



Тел: +998 94 434-75-00

10.12.2020 йил

Ўзбекистон Республикаси  
Олий Мажлис қонунчилик палатаси  
депутати Ж.А.Абдурасуловга

## МУРОЖААТ ХАТИ

Хурматли Жаҳонгир Абдувалиевич,

Сизга маълумки, мухтарам Президентимизнинг 2019 йил 6 сентябрдаги “Профессионал таълим тизимини янада такомиллаштиришга доир қўшимча чора-тадбирлар тўғрисида” ги ПФ-5812 Фармони касб-хунар таълим тизимини тубдан ислох қилишдан иборат бўлиб, ташкил этилган профессионал таълим муассасалари 2020-2021 ўқув йилидан бошлаб илк бор рақобатбардош касб эгалари тайёрлаш учун ўқув жараёнини бошлайдилар.

Андижон вилояти Асака туманидаги “ЎзАвтоСаноат” АЖ тасарруфидаги автомобилсозлик коллежи водийда ягона ҳисобланади.

2015 йил июль ойида мухтарам Президентимиз ушбу коллежга ташриф буюрган ва коллежнинг инфратузилмасини ва қишлоқ жойда жойлашганини ўзини илиқ сўзлари билан эътироф этгандилар.

Бир пайтлар гуллаб яшнаган, ота-оналар “фарзандларимиз шу коллежда ўқисайди” деб орзу қилишган ушбу коллеж ҳозирги кунда ачинарли ҳолатга келиб қолган.

2014 йил ноябрь ойида коллежга Тошкент шаҳри фуқароси ҳисобланган Мирзаев Баходир Нуритдинович директор этиб тайинланган. Директорлик фаолияти давомида иш бошлаган йиллари камчиликлари кўринмагандай эди. Лекин кейинчалик қариндош уруғчилик, таниш билишлик ишлари бошланди. Коллежда фаолият олиб бораётган малакали мутахассисларни ўз ишларини ижобий бажариб келишларига қарамай сиқиб чиқариш ҳолатлари бошланди. Бунга мисол коллежда 11 йил (2009-2020 йиллар) давомида самарали меҳнат қилган коллежнинг ўқув ишлари бўйича директор ўринбосари Саримсоқов Махмуджонни ҳар куни 5-6 маротаба мажбурлаб ариза ёзишини талаб қилган. Охир оқибат М.Саримсоқов ўз қўли билан ёзилмаган аризага қўл қўйишга мажбур бўлган.



Вахоланки М.Саримсоқов Асака туман Кенгаши депутати ҳисобланади. Меҳнат фаолияти давомида вилоят ҳокимининг ташақкурномаси билан, касбий таълим бошқармаси томонидан бир неча бор фахрий ёрликлар билан тақдирланган.

Касбий таълим ишлари бўйича директор ўринбосари **Баҳромжон Жалолов** унга нисбатан бўлаётган ноҳақликларга чидамай ариза ёзишга мажбур бўлди. Улардан сўнг маънавий-маърифий ишлар бўйича директор ўринбосари **Мансурбек Ахчабоев** ҳам тумандаги 36-умумтаълим мактабига ўтиб кетишга мажбур бўлди. Коллеж ташкил қилингандан буён коллеж учун ситқидилдан меҳнат қилиб келган хўжалик ишлари бўйича директор ўринбосари **Мамиржон Абдуллаев**нинг ҳам мажбуран аризаси олинди.

Энг эътиборлиси шундаки, ушбу ишдан бўшатишлар 2020 йилнинг июль, август ойларида ташкил қилинди. Мен ушбу мутахассислар билан бирма-бир гаплашиб чиқдим.

Энди эътибор беринг, мухтарам Президентимизнинг 2019 йил 6-сентябрдаги “Профессионал таълим тизимини янада такомиллаштиришга доир қўшимча чора-тадбирлар тўғрисида” ги ПФ-5812 Фармони касб-хунар таълим тизимини тубдан ислох қилишдан иборат бўлиб, таълим муассасаларини малакали мутахассислар билан таъминлаш, таълим сифатига алоҳида эътибор қаратилиши кўзда тутилган. Лекин коллеж директори Баходир Мирзаев учун Президентимизнинг ушбу Фармондаги талабларига беписандлик билан қарашлиги ўз ишига совуққонлик билан ёндошишидан бошқа нарса эмас. Юқорида зикр қилинган мутахассислар ўрнига малакалари етишмайдиган ёки таниш билишларини ишга олинishiни қандай изохлаш мумкин.

Коллежда ўқувчиларнинг “УзАвтомоторс” АЖ корхонасида амалиёт ўташлари давомида коллежнинг махсус ҳисоб рақамига тушадиган пул маблағлари таълим муассасасининг моддий техника базасини ривожлантиришга қаратилади ва таълим муассаса директори ушбу ҳисоб рақамига тушаётган маблағлар ҳисоботини Илмий Педагогик Кенгашга қандай мақсадларга ишлатилишини очиқлаши керак дейилган.

Лекин директор фаолияти давомида (2014-2020 йиллар) Илмий Педагогик Кенгашга ҳеч қандай ҳисобот бермаган. Директор ва бош ҳисобчи биргаликда махсус ҳисобдан ўзларининг шахсий манфаатлари йўлида ўзларига ойлик маош тайинлаб, йиллар давомида махсус ҳисоб рақамидаги пул маблағларини талон тарож қилиб келишган. М.Саримсоқовнинг директорга; – “махсус ҳисоб рақамидаги маблағларни сарфланиши бўйича Илмий Педагогик Кенгашга ахборотини беришингиз керак” деган сўзлари ёки қайсидир ноқонуний ҳаракатлари бўйича айтган эътирозлари ёкмаган бўлиши мумкин. Лекин нафақат ўринбосарлар, оддий ўқитувчи ёки ходим ушбу эътирозларни айтишлари ҳақли ҳисобланади.

Хозирги кунга келиб директорнинг жирканч фаолияти шу даражага етдики, коллеждан кўркмасдан холодильник, телевизор, “Аристон” сув иситгичи, “Артель” кондиционерини уйига шахсий манфаати йўлида фойдаланиш учун олиб кетган. Ушбу хатти-ҳаракатлари коллеж жамоасида норозилик келтириб чиқармоқда.

Коллежда ўқувчиларни йўл ҳаракати қоидалари бўйича амалий машғулотларини бажаришлари учун 2018-2019 ўқув йилида автодром қурилган. Ушбу автодромдан ҳам ўзининг шахсий манфаати йўлида фойдаланиб келмоқда, яъни хусусий автомактаблардан бири билан шартнома тузиб, ойма-ой 250000 минг сўмдан пул



маблағини ҳисобхона орқали эмас тўғридан тўғри ўзи олиб шахсий манфаати йўлида ишлатиб келмоқда.

Директор Б.Мирзаевнинг шахсий “Captive” автомобили бор. Ушбу автомобилнинг ёқилғиси ҳам ўқувчиларнинг автомобилни амалий бошқариш учун ажратилган газ ва бензин ҳисобидан қўйиб келинди.

Мен ҳам тадбиркор сифатида 2017-2018 ўқув йилида коллеж буфетини ижара асосида юритишга шартнома тузганман. Ишчилар мен томонимдан кўрсатилаётган хизматлардан хурсанд бўлиб, раҳматлар айтишган. Хозирги пандемия даврида буфетдан фойдаланишни иложи бўлмади. Мен йўқлигим даврида ошхона жихозларим йўқ бўлиб кетибди. Мен директорни олдига кириб ошхона жихозларим талон тарож қилиниб кетибди десам, мен сени идишларинга қоровул эмасман деб жиркиб ташлади.

Сурбетлик шу даражага етдики, директор ходимлар олдида “менга ҳеч ким ҳеч нарсаси қилолмайди”, деб ўзи тузган гегемонлик даврини суриб келмоқда. Ишчи ходимлар ҳам Б.Мирзаевнинг қилаётган ишларидан норози.

Хурматли Жаҳонгир Абдувалиевич, юқоридаги ҳолатларни инобатга олиб, Сиздан “Узавтомоторс” АЖ бошқаруви раиси Ш.Умрзақовга 67 ёшни қаршилаётган коллеж директори Б.Мирзаевни қониқарсиз олиб бораётган иш фаолиятига баҳо бериб, директорлик лавозимидан бўшатиб беришлигини ва коллежга ёш, малакали, диёнатли мутахассисни директор лавозимига тайинланишида ҳамда коллежда ситқидилдан меҳнат қилиб келган ўринбосарларни қонуний ҳуқуқларини тикланишида амалий ёрдам беришингизни сўрайман.

**Халқ депутатлари Асака туман  
Кенгаши депутати:**



**М.Ахмедова**